

九天大羅八洞仙祖證道開宗心懺

開玄闡秘宏教真君柳守元敬撰

起讚

行滿三千始證真 一生不足期再生 留得靈根全不昧
俗緣擺脫志斯真 粵稽古來得道祖 男女老幼悉超塵
富貴賤貧均不論 文武將宦各了因 了得因 道常親
山為友兮雲為鄰 一朝圓滿天詔下 冲舉白日樂飛昇
大聖八洞仙祖太師尊 三稱

淨心神咒

太上台星 應變無停 驅邪縛魅 保命護身 智慧明淨

道藏輯要

八洞懺

卷

柳集五

心神安甯 三魂永久 魄無喪傾

淨口神咒

丹朱口神 吐穢除氛 舌神正倫 通命養神 羅千齒神
却邪衛真 喉神虎賁 氣神引津 心神丹元 令我通真
思神鍊液 道炁常存

淨身神咒

靈寶天尊 安慰身形 法子魂魄 五臟玄冥 青龍白虎
隊仗紛紜 朱雀玄武 侍衛我真

安土地神咒

元始安鎮 普告萬神 嶽瀆真官 土地祇靈 左社右稷

不得妄驚 回向正道 內外澄清 各安方位 備守壇庭
太上有命 搜捕邪精 護法神王 保衛誦經 皈依大道
元亨利貞

淨天地神咒

天地自然 穢氣分散 洞中玄虛 晃朗太元 八方威神
使我自然 靈寶符命 普告九天 乾羅怛那 洞罡太玄
斬妖縛邪 度人萬千 中山神咒 元始玉文 持誦一遍
却病延年 按行五嶽 八海知聞 魔王束首 眞聖衛軒
兇穢消散 道德成全

金光神咒

道藏輯要

五入洞懺

奎

柳集五
川白

天地玄宗 萬炁本根 廣修億劫 證吾神通 三界內外
惟道獨尊 體有金光 覆映吾身 視之不見 聽之不聞
包羅天地 養育羣生 誦持萬遍 身有光明 三界侍衛
五帝司迎 萬神朝禮 役使雷霆 鬼妖喪膽 精怪亡形
丙有霹靂 雷神隱名 洞慧交徹 五炁騰騰 金光速現
覆護眞人

祝香神咒

道由心洽 心假香傳 香爇玉爐 心存帝前 眞靈下盼
仙旆臨軒 令某關告 徑達九天

開懺偈

何道無門戶 玄機賴指陳 慧從空際得 妙向靜中尋
藥轉三華采 火融百粒金 秘傳誰了悟 頂禮叩仙真

太聖八洞普度大師尊 三稱

伏以

儒大而化之謂聖道大而化之謂仙有仙骨方結仙緣慕仙宗
斯希仙品離塵所以進道煉氣自可化神吸露餐霞莫紀天人
歲月驂鸞駕鶴永脫生滅輪迴歷代不乏異人造極還推八洞
爰考修真之概誰無階級可尋初則奮志立基再則守貞勵行
賤貧不易歷困何礙真修富貴弗迷辭榮正堪邁往由是一朝
頓悟直在飯熟之時百變呈奇罕識忘年之異行見不焚不溺

道藏輯要

八洞懺

齋

柳集五

超劫而與天常存無去無來返真而歷劫不壞功修統歸一致
境地却自殊塗以儒而仙以將而仙類不別乎文武以老而仙
以幼而仙正無關於年華貴而仙焉則知貴顯原為借境貧而
仙者更知貧窶特以隱身若夫另成女道之宗鉛華洗脫別換
金仙之體隱疾銷鎔是知仙無定方真無成格人人可勉歷歷
堪師以今欲敘述夫諸真自應先拜請乎列聖恭同法眾謹炷
真香虔誠上啟

南宮紫府仙祖玄祖真君

三清三境仙宗三寶天尊

昊天金闕仙主玉皇上帝

承天效法仙載后土皇祇
東華木父錄籍男仙大帝
西華金母錄籍女仙元君
日宮天子仙綱太陽帝君
月華天女仙理太陰皇君
支天上聖仙總斗姥元君
萬雷宗主仙領天皇大帝
萬星教主仙柄紫微大帝
玉清真王仙老長生大帝
東宮慈父仙師青玄上帝
道藏輯要
八洞懺
五
貞明大聖仙衡雷祖大帝
琅霄天府仙玉昭化大帝
北極法主仙司玄天大帝
三元三品仙監三官大帝
火府扶桑仙輔丹陵大帝
九天開化元皇上仙大帝
三界伏魔靈佑翼仙大帝
東嶽天齊仁元福仙大帝
張葛許邱金仙四相真君
辛陶孫駱醫仙四輔真君

奎

柳集五

青陽啟派紫府東華帝君

正陽傳道飛行救劫天尊

純陽主派警化孚佑上帝

南宗興教九天扶正帝君

北宗廣教飛雨妙化天尊

南宗五祖諸大師尊

北宗七祖諸大師尊

覺源掌壇宏教真君

覺源護法宏濟真君

覺源守壇大惠真人

覺源護壇馬太天師

覺源護壇伍太星君

中洞證果諸位仙真

下洞證果諸位仙真

三十六洞天得道仙真

七十二福地得道仙真

仙府侍班諸大真人

仙府從事諸大真人

當境城隍顯佑尊神

雲空過往糾察尊神

道藏輯要

八洞箴

奕

柳集五

悉仗真香普同供養

至心朝禮

太上無極大道

三十六部尊經

玄中大法宗師

讚

正陽道祖 南北統宗 巍巍大法振玄風 日月炯雙瞳

參駕崆峒 萬載派興隆

大聖開悟傳道夫天尊三稱

至心皈命禮

道藏輯要

八洞懺

卷

柳集五

黃芽得道白雪成真配水火於一炁之中運陰陽於三華之頂
無無虛寂渺渺凝玄胎息刀圭孰悟本來之體嬰兒姤女誰知
靈府之臺度眾生於慾海之波錫蕊珠於雲霄之表洪願不窮
好生常念大悲大願大聖大慈東華洞天帝主鍾離妙道真人
飛行救劫天尊

伏聞

學道不尚虛名玄功端由實踐補鉛煉汞乃運導夫陰陽伏虎
降龍應精心於水火是為登真之路別無證道之門緬維
鍾離老祖巍然漢將修玄領師逃散於霧迷胡僧導行夫山谷
拜青陽而投道遯跡崆峒釋甲冑而櫛衣號稱散漢得黃白之

秘誦普濟人寰遂冲舉以飛昇高居仙府不負其志不易其貞
何有於榮何有於困褒封金闕年無紀奠之編翔步玉京劫免
淨沉之苦爲北宗之二祖推列仙之領班弟子等眾忝依門下
罔識玄修尙論古人粗知道岸畧陳本末用代敷宣淨潔齋壇
恭同法侶遙望東華秉誠跪拜初申朝禮首揭成真

至心朝禮

燕臺毓瑞飛行救劫天尊
神行天馬飛行救劫天尊
胡僧指迷飛行救劫天尊
青陽投道飛行救劫天尊

道藏輯要

八洞懺
五

奕

柳集五
川之八

丹成一炁飛行救劫天尊
頂運三華飛行救劫天尊
傳道著經飛行救劫天尊
畢法壽世飛行救劫天尊
雲錫蕊珠飛行救劫天尊
度超慾海飛行救劫天尊
矢無窮願飛行救劫天尊
切好生心飛行救劫天尊
開大法門飛行救劫天尊
爲天仙祖飛行救劫天尊

正陽開悟飛行救劫天尊
傳道垂教飛行救劫天尊

讚

西周得道 東岱仙材 超登妙果坐蓮臺 異相慶重開

太上栽培 鐵杖放光來

大聖煉神超劫太天尊 三稱

至心皈命禮

西周學道晉土感真常住世以無為好煉神而出定太上之授
受居多宛邱之礎磨不少無滯着相慧解偏深質外尋求高超
塵劫金剛不壞之身縹緲清虛之體異相金仙傳玄道祖大悲

道藏輯要

八洞戲

堯

柳集五

大願大聖大慈西華洞天教主超登蓮化天尊

伏聞

證道於以成真成真始能超劫輪迴生滅難永男子之身嘯吸
雲霞不藉本來之體惟精神併凝乎真烝斯水火莫損其元陽
緬惟

傳玄道祖卓然異相金仙岱宗之毓秀稱奇芒碭之棲真最久
煉陽神於九五性與天遊數出定於冥空殼為虛器無質而有
質何容別質為他借形以為形正見假形非我得太上之秘諦
成不壞之金身妙悟最深靈通莫測登真以位天地貞固而鍊
金剛榮與困皆所不知日與年均所不計 弟子 等眾忝依門下

罔識玄修尙論古人粗知道岸畧陳本末用代敷宣淨潔齋壇
恭同法侶遙望西華秉誠跪拜再申朝禮謹揚超劫

至心朝禮

西周顯跡超登蓮化天尊

瑒山棲真超登蓮化天尊

導神出世超登蓮化天尊

還元常住超登蓮化天尊

太上授手超登蓮化天尊

宛邱投契超登蓮化天尊

千秋鐵漢超登蓮化天尊

道藏輯要

八洞懺
五

萬古正傳超登蓮化天尊

燈燃苦行超登蓮化天尊

質鍊金剛超登蓮化天尊

肩擔日月超登蓮化天尊

世外逍遙超登蓮化天尊

金仙異相超登蓮化天尊

道術偉人超登蓮化天尊

金闕待詔超登蓮化天尊

證果大羅超登蓮化天尊

讚

辛

柳集五

黃庭佳世 上古高真 長生大訣妙無論 不老萬年春

二景傳薪 凡骨化金身

大聖通玄壽世大天尊 三稱

至心皈命禮

鶴髮童顏叟長生不老仙恒州寄跡往來汾晉之間秦政亂平
養息嵩華之穴坐騎之變幻偏奇齒落之重生更異太宗高宗
徒切白駒之慕百歲千歲疇知年數之長伴卒於姤女廟前欺
武實所以拒偽樂素於集賢院內談道總有以開君號錫明廷
冠衝斗酒大悲太願大聖大慈中條洞天帝主通玄應變天尊
伏聞

道藏輯要

八洞讖

圭

柳集五

凡軀原無百歲修煉自可長生內藥結成只在爐中火候外丹
煉就常能世上逍遙何啻大椿之八千堪並蟠桃於萬古緬維
通玄張祖本自寄跡恒州見聞於白叟黃童拒召於偽周武后
忽隱忽現曾覓辟於開元居野居朝究莫推其齒算人閱世而
皆故神周物而常春是為超劫之身乃見忘年之異斗酒而開
妙悟隱示固守之貞集賢弗樂寵榮惟寄遨遊之志登真名書
紫府證果道叶玄虛 弟子 等眾忝依門下罔識玄修尙論古人
粗知道岸畧陳本末用代敷宣淨潔齋壇恭同法侶遙望樓霞
秉誠跪拜三申朝禮謹揚忘年

至心朝禮

恒州寄跡通玄應變天尊

海上常遊通玄應變天尊

鶴髮童顏通玄應變天尊

號自在仙通玄應變天尊

漁鼓醒迷通玄應變天尊

千秋常現通玄應變天尊

終古留題通玄應變天尊

召拒武后通玄應變天尊

徵起玄宗通玄應變天尊

肩輿弗榮通玄應變天尊

道藏輯要

八洞懺
五

集賢却步通玄應變天尊

齒落旋生通玄應變天尊

酒湧金盃通玄應變天尊

騎若神龍通玄應變天尊

日周薄海通玄應變天尊

脫生死趣通玄應變天尊

讚

慈悲道祖 功德無邊 儒宗佛果妙通玄 化度界三千

派立天仙 一劍劃坤乾

大聖純陽妙道大天尊 三稱

圭

柳集五
三

正一天師清微弟子洪百聖製作

道教學術資訊網

至心皈命禮

玉清內相金闕選仙化身爲三教之師掌法判五雷之令黃梁
夢覺忘世上之功名寶劍光騰掃人間之妖怪四生六道有感
必孚三界十方無求不應黃鶴樓中留聖蹟玉虛殿內煉丹砂
存芝像於山崖顯繡踪於雲洞衍法門之香火作玄嗣之梯航
大聖大慈大仁大孝開山啟教立應祖師天雷上相靈寶真人
純陽演正警化孚佑帝君興行妙道天尊

伏聞

妙道特有妙傳夫覺方能大悟世夢不醒常昏於功名富貴大
乘頓了詎同夫耳目精神從來長生不死之方必自夢覺之關

道藏輯要

八洞懺
五

三

柳集五
川女

以入緬惟

純陽我祖倏然棄職歸山以縉紳世族之儒歷進士琴堂之選
遇師秦中飯煖黃梁於旅店就眠枕上夢成白晝於華胥因猛
省以脫塵緣遂入山而修至道萬魔莫困十試皆貞志願度盡
眾生恩榮錫旨金闕本爲皇覃之聖豈僅出世之仙妙用難窮
奇踪莫紀爲道宗之三祖施慈濟於萬天弟子等眾忝居門下
罔識玄修尙論古人粗知道岸畧陳本末用代敷宣淨潔齋壇
恭同法侶遙望終南秉誠跪拜四申朝禮謹揚頓悟

至心朝禮

貞元降鶴興行妙道天尊

終南入道興行妙道天尊

十試不迷興行妙道天尊

三天奉勅興行妙道天尊

火龍投劍興行妙道天尊

靈寶傳經興行妙道天尊

舟引國舅興行妙道天尊

路指仙姑興行妙道天尊

度柳成真興行妙道天尊

傳書覺世興行妙道天尊

化釋成佛興行妙道天尊

道藏輯要

八洞樓
五

函

柳集五

化儒作聖興行妙道天尊

廣六法門興行妙道天尊

慈悲教主興行妙道天尊

度盡羣生興行妙道天尊

破大地獄興行妙道天尊

讚

髻年早覺

仙侶英豪

童真得道姓名高

纂定秘書勞

笛韻蕭騷

飛度響雲璈

大聖瑤華錫福大天尊

三稱

至心皈命禮

三天教主八洞飛仙弱冠矢彌羅之願終南受道德之經撥火
栽蓮顯驚人之妙術臨風弄笛譜慨世之幽思度阿叔於藍關
道上成孝卽所以成忠屏美色於草葦菴前守性不外夫守己
超五百年未了之劫法洽天人廣億萬眾無量之生心同鍾呂
大悲大願至聖至慈瑤華洞天帝主圓通早覺天尊

伏聞

大悟旣在崇朝曠真自能奮志嚮往無前道已根於弱冠中藏
有主念不動於滯言泯室家繫戀之私情成道德圭璋之令器
緬惟

傳丹法祖獨能擺脫塵緣淡泊絕名利之營暑齡矢返還之願

道藏輯要

八洞懺
五

蓋

柳集五
川上

道成歸里欲盡度夫家人阿叔執迷因種蓮於頃刻惟卓葦弗
淫於美艷斯垂手成道於終南遇難酬恩貞心常在臨風弄笛
累劫恒超懶後貪榮救茲窘困九載功成於志決萬年果證於
悟虛弟子等眾忝依門下罔識玄修尙論古人粗知道岸畧陳
本末用代敷宣淨潔齋壇恭同法侶遙望紫雲秉誠跪拜五申
朝禮謹揚奮志

至心朝禮

少年證道圓通早覺天尊
貌如豐玉圓通早覺天尊
道根深重圓通早覺天尊

美不迷圓通早覺天尊

惡魔不動圓通早覺天尊

矢羅羅願圓通早覺天尊

愛道德經圓通早覺天尊

撥火生蓮圓通早覺天尊

望雲弄笛圓通早覺天尊

藍關度叔圓通早覺天尊

陽湖興教圓通早覺天尊

累劫好生圓通早覺天尊

羣真推讓圓通早覺天尊

道藏輯要

八洞樓
五

美

柳集五
三

卓犖不羈圓通早覺天尊

飄飄天上圓通早覺天尊

傳丹教主圓通早覺天尊

讚

童真七世

得道騰凰

青霞萬古著輝光

月姊愛縫裳

仙派坤綱

宏慈妙難量

大聖青霞仙姥大天尊

三稱

至心皈命禮

增城鍾異楚水流芳守十年不字之貞葆七世童真之體仙桃
授而辟穀歲未及笄雲母餐而飛行步如有鶴拒偽周之宣召

注念貞觀顯天寶之神奇香生石室月姊愛與縫裳麻姑蓮雨
酌酒三醉瑤池不失容於王母六毫頂放本應瑞於何家丈夫
之氣概偉然巾幗之鉛華全易白璧無瑕金華膺寵大悲大願
聖孝至慈青霞洞裏仙姥宏慈妙法元君

伏聞

稽道能持大志姪修始勵貞操心同介石堅無可轉之機利比
斷金確有凌雲之概潔白留不琢不雕之天輝光耀三千大千
之采緬維

仙姑何祖乃以道立女宗垂髻屏粉黛之施希仙具夙通之慧
愛餐雲母葆七世之童真惡染塵氛守十年之不字拒偽周之

道藏輯要

八洞懺
五

七

柳集五
川名入

宣召懷盛世於貞觀心無所紛榮無所慕醉於瑤池而不困脫
夫累劫而無傷慧從悟入貞自天成玄宗仰巾幗之丈夫女德
推神仙之宗匠弟子等眾忝依門下罔識玄修尙論古人粗知
道岸畧陳本末用代敷宣淨潔齋壇恭同法侶遙望青霞秉誠
跪拜六申朝禮謹揚守貞

至心朝禮

女宗太史宏慈妙法元君
瑞毓增城宏慈妙法元君
流芳楚水宏慈妙法元君
童真七世宏慈妙法元君

頂放六毫宏慈妙法元君
醉不失儀宏慈妙法元君
召能拒偽宏慈妙法元君
飛行山麓宏慈妙法元君
湛念貞觀宏慈妙法元君
玉骨冰姿宏慈妙法元君
道高千古宏慈妙法元君
法秉三天宏慈妙法元君
開闡女教宏慈妙法元君
結伴麻姑宏慈妙法元君

道藏輯要

八洞懺
五

夷

柳集五
川名川

列班玉女宏慈妙法元君
金丹說法宏慈妙法元君

讚

風流自在 妙曲通靈 雲中歌嘯數峯青 籃裏萬花馨
塵市忘形 拍板喚惺惺

大聖流光醒世大天尊 三稱

至心皈命禮

三天承道法風流自在仙混跡人寰疇識魚龍之別浪歌塵市
孰知春雪之詞灑墨汁以成花蓮開五色提懿筐而示象鶴戴
千葩囊無餘貲悉周貧乏板能振響動醒王侯不衫不履之粧

至化至神之詣普度眾生廣修億劫大悲大願大聖大慈萬花
湖天帝主流光耀采天尊

伏聞

情惟忘乎困頓守乃勵厥艱貞富貴浮雲得失原無加損襟期
曠達元真自可逍遙不必矯俗以鳴高早能離塵而獨立緬維
冲恬藍祖乃以淡泊希玄度世情殷賡歌行於檀板忘形功就
隱神變於隻靴童叟與偕數不拘乎五六虎龍交會功遂滿乎
三千風顛乃借以藏身藍縷正所以佩道志若無慕悟別有天
眼界超超目不見有榮貴神思落落念惟切夫真元劫超而歲
月胥忘貞固兩形神俱永弟子等眾忝依門下罔識玄修尙論

道藏輯要

八洞懺
五

堯

柳集五
川百

古人粗知道崖畧陳本末用代敷宣淨潔齋壇恭同法侶遙望
碧雲秉誠跪拜七申朝禮謹揚歷悃

至心朝禮

瀟灑金仙流光耀采天尊

拍板長歌流光耀采天尊

餐雪作飯流光耀采天尊

酒市長眠流光耀采天尊

灑墨成花流光耀采天尊

非狂非醉流光耀采天尊

自得自如流光耀采天尊

冬夏一衲流光耀采天尊

老少偕遊流光耀采天尊

捷徑顯異流光耀采天尊

靈真傳真流光耀采天尊

慈今弔古流光耀采天尊

隱俗超凡流光耀采天尊

濟度窮困流光耀采天尊

拯救羣生流光耀采天尊

三天奉法流光耀采天尊

讚

道藏輯要

八洞懺
五

全

柳集五
1185

遠拋金紫

高列仙儔

葛巾野服步瀛洲

萬古樂優游

點醒塵浮

普海好回頭

大聖超凡入聖大天尊

三稱

至心皈命禮

簪纓嗜道貴戚修仙性天時葆其真元寵眷弗移其素志監弟
車之覆銳意入山悟舟子之談悉心辨道在國會多樹議總無
為清靜之護遇仙畧叩玄機盡見性明心之語脩然野服以葛
巾澹然食貧而茹苦空虛自在瀟灑高狎大悲大願大聖大慈
黃華洞天帝主超凡入聖天尊

伏聞

履園既堪證道浮榮何足關懷將相公侯身歿同埋荒草承鉛
水火丹成遂列仙班惟塵網不受牢籠庶否極別開亨泰緬惟
國戚曹祖堪稱富貴解人性天雅嗜夫清虛謨猷數陳以淡泊
東裝訪道少向魁司馬之憂銳意入山無珠玉美女之戀片語
授而依乃教金牌出而昇諸河靜養天年玄通妙悟艱苦倍嘗
其困操持不易其真塵劫脫而真登金丹還而志遂良貴本榮
於人貴天仙應別乎地仙弟子等眾忝依門下罔識玄修尙論
古人粗知道岸畧陳本末用代敷宣淨潔齋壇恭同法侶遙望
黃華秉誠跪拜入申朝禮謹揚辭榮

至心朝禮

道藏輯要

八洞懺
五

全

柳集五

貴戚登仙超凡入聖天尊
解朝高蹈超凡入聖天尊
珠玉弗貪超凡入聖天尊
錦繡弗服超凡入聖天尊
佩潔懷芳超凡入聖天尊
食荼茹堇超凡入聖天尊
勇撤金牌超凡入聖天尊
調停舟子超凡入聖天尊
渡口醒迷超凡入聖天尊
降心依教超凡入聖天尊

得訣歸山超凡入聖天尊
精修果滿超凡入聖天尊
廣積功行超凡入聖天尊
蔭庇宗親超凡入聖天尊
默相國祚超凡入聖天尊
道證大羅超凡入聖天尊

回向

伏念道法總歸一本仙踪要無定方不角戶以分門自應知動
靜剛柔各能得手不殊塗而合轍更以見坎離震兌用萃一家
以今仰朝

道藏輯要

入洞懺
五

全

柳集五
十一

八祖敬揭心傳次修道之階則志以始之真以終之乃藉現身
而說法稽登真之品則自漢有人迄宋有人相應拜手以後先
惟是將可仙而儒亦可仙文武胥善男可仙而女亦可仙陰陽
奚分易朝服而野服莫謂仙少豪華變叫歌而雲歌勿疑仙無
終窶老仙莫紀其年少仙尤傳其異悉脫劫而超塵各修真而
證聖自憫庸愚囿於俗網貧爲貧累富爲富昏老諉年衰幼多
頑石將徒赳赳儒少落落女每寡聞疾多坐廢今開慈悲之路
得窺大道之門既再三虔志以稱揚冀萬一垂憐而接引茲當
朝禮既周更爇真香送駕公攀鶴馭望躋五雲爲上良因再申
稱念

八洞仙祖曲成後學天尊三稱 尊恩不可思議功德

收讚

禮謝已周圓 遙瞻碧雲天 青鸞振翮 白鶴聯翩 飄飄

八洞駐法筵 宥罪萬千千 指迷留秘言 說道人人可證

仙 汲引功德將何報 永矢修真印此傳

大聖八洞普度大師尊三稱

九天大羅八洞仙祖證道開玄心懺全

廣化弟子惠覺校訂

道藏輯要

五 八洞懺

全

柳集五

正一天師清微弟子洪百暨製作 道教學術資訊網